

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Rješenje
po Prijavi namjere koncentracije između privrednih subjekata Belupo lijekovi i
kozmetika d.d. Koprivnica, Republika Hrvatska i Farmavita društvo za
prizvodnju i trgovinu lijekova d.o.o. Sarajevo, BiH

Sarajevo
April, 2008. godine



Broj: 01-01-26-004-20-II/08
Sarajevo, 16.04.2008. godine

Na osnovu člana 25. stav (1) tačka e), člana 42. stav (1) tačka d) i člana 43 stav (2), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), a po Prijavi namjere koncentracije privrednog subjekta BELUPO lijekovi i kozmetika d.d., Danica 5, 48000 Koprivnica, Republika Hrvatska i privrednog subjekta FARMAVITA- društvo za proizvodnju i trgovinu lijekova d.o.o. Sarajevo, Igmanska 5-a, Sarajevo – Vogošća, podnesenoj putem advokata Kerima Karabdić, Hadži Idrizova 20, 71000 Sarajevo, dana 04.02.2008. godine broj: 01-01-26-004-II/08, Konkurencijsko vijeće, na 35. (trideset i petoj) sjednici održanoj dana 16.04.2008. godine, je donijelo

R J E Š E N J E

1. Ocjenjuje se dopuštenom koncentracija na tržištu proizvodnje i prodaje lijekova i farmaceutskih proizvoda u Bosni i Hercegovini koja nastaje sticanjem kontrole kupovinom većinskog vlasničkog udjela u privrednom subjektu FARMAVITA - društvo za proizvodnju i trgovinu lijekova d.o.o. Sarajevo, Igmanska 5-a, Sarajevo – Vogošća, od strane privrednog subjekta BELUPO lijekovi i kozmetika d.d., Danica 5, 48000 Koprivnica, Republika Hrvatska.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Dana 04.02.2008. godine Konkurencijsko vijeće je zaprimilo Prijavu namjere koncentracije od strane privrednog subjekta BELUPO lijekovi i kozmetika d.d., Danica 5, 48000 Koprivnica, Republika Hrvatska (dalje u tekstu: BELUPO ili Podnosilac prijave), kojeg zastupa advokat Kerim Karabdić, Hadži Idrizova 20, Sarajevo, sticanjem 65,00% vlasničkog udjela u privrednom subjektu FARMAVITA- društvo za proizvodnju i trgovinu lijekova d.o.o. Sarajevo, Igmanska 5-a Sarajevo – Vogošća (dalje u tekstu: FARMAVITA).

Uvidom u dostavljenu Prijavu namjere koncentracije (u daljem tekstu: Prijava) utvrđeno je da ista nije kompletna, te da je treba dopuniti u smislu člana 30. stav (1) Zakona o konkurenciji (dalje u tekstu: Zakon) i odredbi Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 95/06), te je od privrednog subjekta Belupo zatražena dopuna Prijave dana 07.02.2008.

godine (akt broj: 01-01-26-004-2-II/08), dana 15.02.2008. godine (akt broj: 01-01-26-004-5-II/08), dana 25.02.2008. godine (akt broj: 01-01-26-004-7-II/08) i dana 04.03.2008. godine (akt broj: 01-01-26-004-10-II/08). Podnosilac prijave je Prijavu dopunio i traženu dokumentaciju dostavio dana 11.02.2008. godine (akt broj: 01-01-26-004-3-II/08), dana 22.02.2008. godine (akt broj: 01-01-26-004-6-II/08), dana 27.02.2008. godine (akt broj: 01-01-26-004-8-II/08), dana 03.03.2008. godine (akt broj: 01-01-26-004-9-II/08) i dana 05.03.2008. godine (akt broj: 01-01-26-004-11-II/08).

Po prijemu tražene dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 11.03.2008. godine pod brojem: 01-01-26-004-14-II/08.

Podnosilac Prijave, u smislu člana 30. stav (2) Zakona je naveo da nema obavezu podnijeti zahtjev za ocjenu koncentracije nekom drugom tijelu izvan teritorije Bosne i Hercegovine.

Konkurencijsko vijeće je utvrdilo da je Prijava podnesena u Zakonom predviđenom roku u smislu člana 16. stav (1) Zakona.

Konkurencijsko vijeće u postupku ocjene predmetne koncentracije je utvrdilo sljedeće činjenice:

1. Učesnici koncentracije

Učesnici koncentracije su privredni subjekti FARMAVITA - društvo za proizvodnju i trgovinu lijekova d.o.o. Sarajevo, Igmanska 5-a, Sarajevo – Vogošća i BELUPO lijekovi i kozmetika d.d., Danica 5, 48000 Koprivnica, Republika Hrvatska.

1.1. BELUPO

Privredni subjekt BELUPO je osnovan 02.01.1992. godine upisom u sudski registar Okružnog privrednog suda u Bjelovaru, R Hrvatska, na osnovu Rješenja broj Fi-999/91. Naknadnom preregistracijom, privredni subjekt BELUPO je registrovan kod Trgovačkog suda u Bjelovaru, pod brojem MBS 010006854. Osnovna djelatnost ovog privrednog subjekta je proizvodnja i distribucija lijekova, farmaceutskih proizvoda, sredstava za dezinfekciju, kozmetike, pomoćnih medicinskih preparata i ostalih hemijskih proizvoda.

Jedini dioničar i 100% vlasnik privrednog subjekta BELUPO je privredni subjekt Podravka prehrambena industrija d.d., Ante Starčevića 32, 48000 Koprivnica, Republika Hrvatska. Privredni subjekt Podravka prehrambena industrija d.d. Koprivnica ima povezano društvo u Bosni i Hercegovini – Podravka d.o.o. Sarajevo, Safeta Zajke 269, 71000 Sarajevo.

Privredni subjekt BELUPO djeluje na tržištu Bosne i Hercegovine od 1999. godine, putem svog predstavništva u Sarajevu u ulici Hakije Kulenovića bb. Obzirom da predstavništvo nema status pravnog lica, privredni subjekt BELUPO distribuciju i prodaju svojih proizvoda vrši putem distributera, od kojih su najznačajniji: Tuzlafarm - Tuzla, Vitezlijek - Vitez, Hercegovinalijek - Mostar i FARMAVITA - Sarajevo.

Privredni subjekt BELUPO u vlasništvu nema 10% ili više kapitala/udjela ili prava glasa u bilo kojem pravnom subjektu u Bosni i Hercegovini, niti ima pravnih subjekata na tržištu proizvodnje i prodaje lijekova i farmaceutskih proizvoda u Bosni i Hercegovini u kojima su članovi uprave/nadzornog odbora u isto vrijeme i članovi uprave/nadzornog odbora privrednog subjekta BELUPO.

1.2. FARMAVITA

Privredni subjekat FARMAVITA je osnovan dana 07.08.1991. godine upisom u sudski registar Osnovnog suda udruženog rada Sarajevo, pod matičnim brojem: 1-6780 Rješenjem broj: U/I-3732/91. Preregistracija privrednog subjekta FARMAVITA je izvršena u sudskom registru Kantonalnog suda u Sarajevu Rješenjem broj UF/I 1159/0 od 20.09.2001. godine.

Osnovne djelatnosti privrednog subjekta su proizvodnja farmaceutskih preparata i trgovina na veliko farmaceutskim proizvodima. Privredni subjekt FARMAVITA posluje sa oko 400 kupaca na teritoriji Bosne i Hercegovine i vrši snabdijevanje maloprodajnih objekata (apoteke) kao i krajnjih potrošača (klički centri, domovi zdravlja).

Osnivač i vlasnik privrednog subjekta Farmavita je fizičko lice Babić Sead, JMBG (..)**¹, sa prebivalištem u ulici (..)**¹, 71000 Sarajevo.

Privredni subjekt FARMAVITA u vlasništvu nema 10% ili više kapitala/udjela ili prava glasa u bilo kojem pravnom subjektu u BiH, niti ima pravnih subjekata na tržištu proizvodnje i prodaje lijekova i farmaceutskih proizvoda u Bosni i Hercegovini u kojima su članovi uprave/nadzornog odbora u isto vrijeme i članovi uprave/nadzornog odbora privrednog subjekta FARMAVITA.

2. Ukupni prihod učesnika koncentracije

U smislu odredbe člana 14. stav (1) tačka a) Zakona, obaveza prijave namjere koncentracije privrednih subjekata postoji ako ostvareni ukupni godišnji prihod učesnika koncentracije, ostvaren prodajom roba i/ili usluga na svjetskom tržištu, iznosi preko 100.000.000,00 KM, po završnom računu u godini koja je prethodila predmetnoj koncentraciji pri čemu je najmanje jedan privredni subjekt registrovan na teritoriji Bosne i Hercegovine.

Ukupni godišnji prihodi učesnika koncentracije na dan 31.12.2007. godine prikazani su u Tabeli 1.

Tabela 1.

	BELUPO	FARMAVITA
Svijet	(..)**KM (..)**HRK	-
Bosna i Hercegovina	(..)**KM (..)**HRK	(..)**KM

¹ (..)** - Podaci predstavljaju poslovnu tajnu

Prema podacima navedenim u Tabeli 1. proizilazi da postoji obaveza podnošenja prijave namjere koncentracije u skladu sa članom 14. stav (1) tačka a) Zakona, jer ukupan godišnji prihod učesnika koncentracije iznosi preko 100.000.000,00 KM, po završnom računu u godini koja je prethodila predmetnoj koncentraciji, pri čemu je jedan privredni subjekt, učesnik koncentracije, registrovan na teritoriji Bosne i Hercegovine.

3. Pravni osnov i oblik predmetne koncentracije

Pravni osnov predmetne koncentracije je Ugovor o pristupanju suosnivača i izmjenama osnivačkog akta, broj: OPU 246/08, zaključen u Sarajevu dana 31.01.2008. godine (dalje u tekstu: Ugovor) između privrednog subjekta BELUPO, zastupanog po advokatu Karabdić Kerimu i Babić Seada, JMBG (..)** (lična karta br. (..)**),(..)** 71000 Sarajevo, kao osnivača privrednog subjekta FARMAVITA, zastupanog po Amrain Mirku, lična karta broj (..)** izdata od MUP(..)**.

Prema predmetnom Ugovoru, pristupanjem privrednog subjekta BELUPO osnovni kapital privrednog subjekta Farmavita ostaje neizmjenjen u iznosu od (..)**KM, kao i njegov pravni oblik - društvo sa ograničenom odgovornošću.

Nakon provođenja predmetne koncentracije, osnovni kapital privrednog subjekta FARMAVITA bit će podijeljen na dva udjela koji po osnivačima iznose:

- BELUPO (..)**KM u novcu ili 65,0% udjela.
- Babić Sead (..)**KM u novcu ili 35,0% udjela

Pravni oblik koncentracije je sticanje kontrole u privrednom subjektu FARMAVITA od strane privrednog subjekta BELUPO, u skladu sa članom 12. stav (1) tačka b) Zakona.

4. Relevantno tržište predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) čini tržište određenih proizvoda/usluga koji su predmet obavljanja djelatnosti na određenom geografskom tržištu.

Relevantno tržište proizvoda predmetne koncentraciji je tržište proizvodnje i prodaje lijekova i farmaceutskih proizvoda.

Relevantno geografsko tržište predmetne koncentracije je teritorija Bosne i Hercegovine budući da učesnici predmetne koncentracije djeluju na istome.

Prema navedenom, pod relevantnim tržištem predmetne koncentracije Konkurencijsko vijeće podrazumjeva tržište proizvodnje i prodaje lijekova i farmaceutskih proizvoda na cijeloj teritoriji Bosne i Hercegovine.

4.1. Analiza relevantnog tržišta

Podnosilac prijave je u Prijavi dostavio podatke o tržišnom udjelu učesnika koncentracije na relevantnom tržištu za 2007. godinu, kao i tržišni udio njihovih konkurenata, koji su

dati na osnovu procjene učesnika koncentracije. U Tabeli 2. dat je pregled tržišnih udjela proizvođača lijekova i farmaceutskih proizvoda u Bosni i Hercegovini.

Tabela 2.

R.br.	Proizvođači	Tržišni udio (%)
1.	Bosnalijek d.d. Sarajevo	68,00
2.	Hemofarm d.o.o. Banja Luka	24,00
3.	Pharmamed d.d. Travnik	5,00
4.	Farmavita d.o.o. Sarajevo	3,00
	UKUPNO	100,00

Prema podacima o tržišnim udjelima proizvođača lijekova i farmaceutskih proizvoda u Bosni i Hercegovini (Tabela 2.) proizilazi da na relevantnom tržištu postoji slaba tržišna konkurencija, gdje dva proizvođača lijekova imaju visoke tržišne udjele (Bosnalijek 68% i Hemofarm 24%) u odnosu na druge proizvođače u Bosni i Hercegovini.

U sljedećoj tabeli (Tabela 3.) prikazani su tržišni udjeli učesnika koncentracije i njihovih konkurenata na tržištu prodaje lijekova i farmaceutskih proizvoda u Bosni i Hercegovini.

Tabela 3.

R.br.	Učesnici na tržištu	Tržišni udio (%)
1.	Bosnalijek, BiH	15,7
2.	Pliva, Hrvatska	8,3
3.	Krka, Slovenija	6,9
4.	Hoffman La Roche, Francuska	5,8
5.	Hemofarm d.o.o. Banja Luka, BiH	5,5
6.	Hemofarm a.d. Vršac, Srbija	5,4
7.	Lek, Slovenija	5,2
8.	Alkaloid, Makedonija	3,2
9.	GlaxoSmithKline, Engleska	3,2
10.	Galenika, Srbija	2,8
11.	Belupo, Hrvatska	2,8
12.	Ely Lilly, SAD	2,6
13.	Novo Nordisk, Danska	2,5
14.	Aventis, Francuska	2,0
15.	Pfizer, SAD	1,8
16.	Schering, SAD	1,7
17.	Bayer Pharma, Njemačka	1,4
18.	Pharmamed, BiH	1,1
19.	Farmavita, BiH	0,5
20.	Ostali	21,6
	UKUPNO	100,00
	Ukupno (11+19)	3,3

Na osnovu podataka iz Tabele 3. proizilazi da na tržištu prodaje lijekova i farmaceutskih proizvoda u Bosni i Hercegovini najveći tržišni udio imaju privredni subjekti Bosnalijek sa 15,7%, Pliva sa 8,3% i Krka sa 6,9% tržišnog udjela, dok učesnici koncentracije zajedno imaju tržišni udio od 3,3%.

Iz navedenih podataka proizilazi da na relevantnom tržištu postoji jaka konkurencija, te predmetnom koncentracijom ne dolazi do značajne promjene tržišnih udjela, obzirom da je udio učesnika koncentracije na relevantnom tržištu relativno nizak.

5. Procjena efekata predmetne koncentracije

U skladu sa članom 17. Zakona, Konkurencijsko vijeće je izvršilo analizu pozitivnih i negativnih efekata namjeravane koncentracije odnosno razmotrilo sve relevantne činjenice, te ocjenilo da se ovom koncentracijom ne stvara, odnosno ne jača dominantni položaj na relevantnom tržištu proizvodnje i prodaje lijekova i farmaceutskih proizvoda na teritoriji Bosne i Hercegovine.

Pored navedenog, učesnici koncentracije očekuju da će provođenjem predmetne koncentracije nastati pogodnosti za krajnje potrošače, kao što su: snižavanje cijena proizvoda, povećanje kvaliteta proizvoda, uvođenje inovacija u proizvodnji, povećanje i proširivanje mogućnosti izbora proizvoda i/ili usluga putem povećanja broja registrovanih lijekova i dr.

Nakon sticanja kontrole od strane privrednog subjekta BELUPO, za privredni subjekt FARMAVITA otvara se mogućnost izlaska i na druga tržišta izvan Bosne i Hercegovine.

Konkurencijsko vijeće smatra da se provođenjem predmetne koncentracije ojačava položaj privrednog subjekta FARMAVITA na relevantnom tržištu, čime bi se eventualno i nesrazmjer između tržišnih udjela pojedinih proizvođača smanjio. Konkurencijsko vijeće je utvrdilo da predmetna koncentracija neće sprečavati, ograničavati ili narušavati tržišnu konkurenciju na relevantnom tržištu.

Prema navedenim podacima i činjenicama Konkurencijsko vijeće je odlučilo kao u dispozitivu ovoga Rješenja.

6. Administrativna taksa

Na ovo Rješenje podnosilac Prijave, u skladu sa članom 2 stav (1) tarifni broj 107 tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) dužnan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovoga Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Rješenja.

Predsjednik

Sanja Božić